

Odluka o troškovima, posebnim naknadama i izdacima

Na osnovu odredbi Ugovora o osnivanju društva, Statuta društva, a sukladno važećim Zakonskim propisima, Uprava S-Leasing d.o.o. Sarajevo, Zmaja od Bosne 7 (dalje u tekstu: S-Leasing) dana 10.09.2014. godine donosi ovu Odluku.

Svi troškovi, posebne naknade i izdaci izraženi u EUR preračunavaju se prema srednjem kursu EUR Centralne banke BiH na dan izdavanja računa i uvećavaju za porez na dodanu vrijednost. Porez na dodanu vrijednost se obračunava u skladu sa Zakonom i ostalim propisima koji regulišu ovu oblast.

Ova Odluka sastavni je dio Opštih uslova uz Ugovore o finansijskom leasingu zaključenim sa fizičkim licima, Opštih uslova uz Ugovore o finansijskom leasingu zaključenim sa pravnim licima, Opštih uslova uz Ugovore o operativnom leasingu zaključenim sa fizičkim licima i Ugovora o operativnom leasingu zaključenim sa pravnim licima.

Tumačenje odredbi ove Odluke daju nadležna tijela S-Leasinga.
S-Leasing zadržava pravo donošenja drugačije Odluke o troškovima, posebnim naknadama i izdacima bez prethodne najave.

1. Prefakture

1.1 Trošak prefakturisanja	EUR=3,00
----------------------------	----------

2. Opomene (zakašnjenja u podmirenju ugovornih obaveza, prisilna naplata, nedostajuća dokumentacija i sl.)

2.1 Opomena I. / fizička lica /	bez naknade
2.2 Opomena I. / pravna lica /	EUR=0,46
2.3 Opomena II. / fizička lica /	bez naknade
2.4 Opomena II. / pravna lica /	EUR=1,84
2.5 Opomena / obavijest Jamcu ili Sudužniku	bez naknade

3. Sudjelovanje u sudskim, carinskim i drugim postupcima

3.1 Sudjelovanje S-Leasinga, te odgovornih osoba ili opunomoćenika S-Leasinga u sudskim, carinskim i drugim postupcima vezano za prekršaje koje počinu Korisnik leasinga odnosno za sve prekršaje koji su vezani, bilo za ugovorni odnos S-Leasinga i Korisnika leasinga, bilo za Predmet leasinga, kao i sve druge aktivnosti vezane za sudjelovanje u tim postupcima.

stvarni trošak + EUR=140,00

4. Radnje tokom Ugovora o finansijskom ili operativnom leasingu

4.1 Izmjene Ugovora o finansijskom ili operativnom leasingu

4.1.1 Izmjena Ugovora o leasingu na zahtjev Korisnika leasinga (npr. promjena instrumenata osiguranja, promjena Jamaca ili Sudužnika, statusne promjene Korisnika leasinga i/ili Jamaca ili Sudužnika, sklapanje sporazuma o podnajmu, promjena osiguravatelja i sl.).
EUR=50,00

4.1.2 Promjena Korisnika leasinga (ustup Ugovora), zaračunava se jednokratno kao naknada za obradu Ugovora novom Korisniku leasinga; % preostale vrijednosti Ugovora.
1%, ne manje od EUR=75,00

4.1.3 Reprogrami Ugovora o leasingu, na zahtjev Korisnika leasinga, kao što su promjena ugovorene valute (npr. EUR u CHF), promjena trajanja Ugovora, promjena ugovorene vrijednosti Predmeta leasinga nakon isteka ugovora i sl.; % preostale vrijednosti Ugovora.
2% ne manje od EUR=75,00

4.1.4 Naknada za sporazumni prijevremeni raskid Ugovora o finansijskom leasingu zaključenim sa Korisnikom leasinga pravnim licem, a na zahtjev Korisnika leasinga
% preostale vrijednosti Ugovora, ne veća od % troška obrade Ugovora.

4.1.5 Informativni izračun vrijednosti Ugovora o finansijskom leasingu zaključenim sa Korisnikom leasinga pravnim licem za vrijeme trajanja otplate.

EUR=5,00 po zahtjevu

4.2 Dodatne usluge

4.2.1 Usluga obavljanja registracije, tehničkog pregleda, prijava Predmeta leasinga, ishodovanje dokumentacije vezano za predmet leasinga (ne obračunava se ukoliko Korisnik leasinga samostalno obavi navedeno).

stvarni trošak + EUR=20,00

4.2.2 Podmirivanje obveze Korisnika leasinga po bilo kojoj osnovi (ishodovanje novih dokumenata/reg. pločica zbog gubitka istih, dug po policama osiguranja, cestarine, parking kazne, intervencija pauka, kazne za lož ulje, neplaćene/krivo plaćene carine i sl.).

stvarni trošak + EUR=25,00

4.2.3 Obrada odštetnih zahtjeva prema osiguravajućim društvima (ne obračunava se ukoliko Korisnik leasinga samostalno obavi navedeno).

EUR=50,00

4.2.4 Izdavanje potvrda, punomoći, izjava i sl. dokumenata vezano za status Ugovora o leasingu i/ili promjene na Predmetu leasinga, naplata potraživanja putem blokade računa.

EUR=5,00 po zahtjevu

5. Istek Ugovora o leasingu

5.1 Neobračunati porezi do isteka Ugovora sukladno rješenjima nadležnih državnih organa.

stvarni trošak + trošak prefakturiranja

5.2 Posebna naknada za zatvaranje Ugovora

EUR=40,00

5.3 Ugovorna kazna za neizvršenje bilo koje nenovčane ugovorne obveze

EUR=20,00

6. Prijevremena otplata Ugovora o finansijskom leasingu

6.1 U slučaju prijevremene otplate Predmeta leasinga iz Ugovora o finansijskom leasingu zaključenim sa Korisnikom leasinga pravnim licem, obračunavaju se i naplaćuju troškovi za raskid Ugovora u procentualnom iznosu jednakom ugovorenom prilikom zaključivanja Ugovora o finansijskom leasingu. Osnovicu čini buduća neotplaćena glavnica na dan prijevremene otplate.

6.1.2 U slučaju prijevremene otplate Predmeta leasinga iz Ugovora o finansijskom leasingu zaključenim sa Korisnikom leasinga fizičkim licem, Korisnik leasinga ima pravo na umanjenje ukupnih troškova leasinga za iznos kamate i troškova za preostali period trajanja Ugovora. S-Leasing ima pravo na objektivno opravdanu i ugovorenu naknadu troškova koji su direktno u vezi sa prijevremenom otplatom, pod uslovom da je prijevremena otplata izvršena u periodu tokom kojeg se primjenjivala fiksna nominalna kamatna stopa i ako je iznos prijevremene otplate leasinga u periodu od godine dana veći od 20.000,00 KM. Naknada iz predhodnog stava se ugovara do visine pretrpljene štete zbog prijevremene otplate a najviše do 1% iznosa prijevremeno otplaćenog leasinga i to ako je period između prijevremene otplate i roka ispunjenja obaveze iz Ugovora o finansijskom leasingu duži od jedne godine. Ako je to period kraći od jedne godine naknada ne može biti veća od 0,5% iznosa prijevremeno otplaćenog leasinga.

S-Leasing neće zahtijevati naknadu za prijevremeni otplatu ako se otpлата vrši tokom perioda za koji je ugovorena promjenjiva nominalna kamatna stopa.

Naknada za prijevremenu otplatu leasinga ni u jednom slučaju ne može biti veća od iznosa kamate koju bi Korisnik leasinga platio za vrijeme od dana vraćanja leasinga do dana kada je leasing po Ugovoru o finansijskom leasingu trebao biti vraćen.

7. Odustanak od Ugovora o leasingu

7.1. U slučaju odustajanja Korisnika leasinga / pravnog lica / od ugovorenog posla za koji je Leasing već izvršio uslugu obrade predmeta, Korisnik leasinga je dužan podmiriti obračunati trošak obrade ugovora i pripadajući dio naknada.

S-Leasing naknadu, posebni izdatak odnosno trošak, naplaćuje unaprijed ili u trenutku obavljanja usluge, a stvarni troškovi se zaračunavaju u trenutku nastajanja odnosno saznanja o nastanku troška.

7.1.2 Korisnik leasinga / fizičko lice / ima pravo odustati od zaključenog Ugovora o finansijskom leasingu u roku od 14 dana od dana zaključenja Ugovora bez navođenja razloga za odustanak. Prije isteka navedenog roka Korisnik leasinga je obavezan o svojoj namjeri pismenim putem obavijestiti S-Leasing, pri čemu se datum prijema tog obavještenja smatra danom odustanka od ugovora. Korisnik leasinga koji odustane od Ugovora o finansijskom leasingu dužan je S-Leasingu odmah po slanju obavještenja vratiti Predmet leasinga. Korisnik leasinga je dužan odmah, a najkasnije u roku od 30 dana od dana slanja obavještenja, S-Leasingu nadoknaditi pretrpljenu štetu ako je došlo do umanjenja vrijednosti Predmeta leasinga i platiti ugovorenu kamatu iz osnovnog posla od dana zaključenja ugovora do dana plaćanja kamate. S-Leasing neće zaračunavati druge naknade osim prethodno navedenih naknada i troškova nastalih kod nadležnih organa.


Ako S-Leasing ili treća strana na osnovu ugovora sa S-Leasingom pružaju i sporedne usluge u vezi sa Ugovorom o finansijskom leasingu, Korisnika leasinga više ne obavezuje ugovor o sporednim uslugama ako Korisnik leasinga koristi svoje pravo na odustanak od Ugovora o finansijskom leasingu, osim u slučaju kada je Korisnik leasinga počeo koristiti navedenu uslugu u skladu sa drugim ugovorom. Korisnik leasinga mora u pisanom odustanku, izričito navesti da odustaje i od sporedne usluge.

Odluka stupa na snagu danom donošenja i stavlja van snage Odluku o troškovima, posebnim naknadama i izdacima od 01.09.2010.godine.

Broj protokola: OD-143/2014
Sarajevo, 10.09.2014.godine

S-LEASING d.o.o. Sarajevo

Članovi Uprave


Elna Hošo, direktor

Sanel Bosnić, izvršni direktor

